

September 2003



ONS GEE OM DEUR BARMHARTIGHEID

Woord van Barmhartigheid vir die maand

U het dit sekerlik al raakgesien: die verandering in die natuur, die nuwe lewe wat oral ontwaak, die oorgaan na die volgende jaargety : *Lente het aangebreek!*

"Die aarde ontwaak tot nuwe lewe,
Die berge, bosse en mere
Die grasgroen velde juig van vreug
en bring Hom dank en ere!"

En as dit waar is van die natuur wat God eer, mag dit soveel meer waar wees van elke lidmaat van hierdie gemeente. Ons gebed is dat in elke nuwe plan wat u aanpak en deurvoer; u verhoudingslewe met almal rondom u; in u belewing van lente met wat hierdie jaargety vir u bied, ook altyd die Skrifwoord sal geld:

"Julle is duur gekoop! Verheerlik God dan deur julle gees en julle liggaam wat aan God behoort" - 1 Kor 6:20

Mag dit ook waar wees van ons as gemeente : 'n nuwe geesdrif en besieling om in alles wat ons doen in die volgende tyd ('n nuwe bedieningstruktuur, die uitleef van ons gemeente-visie, omgee-liefde in al sy fasette) die eer van Hom te soek wat vir Sy Kerk verseker het dat Hy alles vir ons nuut sal maak!



Fondesebediening

KERMIS 2003

Baie dankje vir elkeen wat so hard help saam beplan en saamgewerk het om ons kermis vanjaar 'n sukses te maak. Soos verlede Sondag aangekondig, beloop die **opbrengs** ± R45 000. Ons kan nou aankondig dat die **wins** die bedrag van R33 900 beloop. Ons dank die Here dat Hy ons Gemeente so getrou versorg.

Baie dankie ook aan: C'Nanru, Harry's Handyman Services, Nico Claassen, "Spirit", Steijn Eiendomme, Susan Moore Prokureur en ander wat sekere sake van die kermis geborg het.

GESINSBEDIENING

Vraag: Ek gaan oomblik is daar



en my vrou het mekaar baie deur 'n tyd van apatie. Ons baie na aan mekaar nie. Is 'n manier om die vuur



lief, maar ons voel nie op die dit normaal en terug te bring?

Antwoord: Dit gebeur die een of ander tyd in elke huwelik. 'n Man en vrou verloor eenvoudig 'n tyd lank die wind in hulle romantiese seile.

So 'n dilemma herinner my aan die matrose in die dae van houtbote. Matrose het in daardie dae baie gehad om te vrees, soos seerowers, storms en siektes. Maar hulle grootste vrees was dat die skip streke van windstilte sou tref. Dit was 'n gedeelte van die oseaan naby die ewenaar wat gekenmerk is deur kalm en baie ligte, veranderende winde. Dit sou die gewisse dood van al die matrose beteken. Die skip se kos- en watervoorrade sou uitgeput raak terwyl hulle dae aaneen, of selfs weke lank, rondobber en wat vir 'n bries om hulle weer op koers te kry.

Huwelike wat eens op 'n tyd opwindend en liefdevol was, kan ook vasgevang word in 'n romantiese windstilte, wat die stadige en pynlike dood van die verhouding tot gevolg het. Die skrywer Doug Fields skryf in sy boek *Creative romance*: "Om romantiese afsprake met jou huweliksmaat te maak, kan hierdie patroon verander en dit kan baie pret wees. Daar is natuurlik nie 'n kitsoplossing vir 'n stagnante huwelik nie, maar jy kan die verskonings eenkant toe skuif en weer begin uitgaan met die liefde in jou lewe." Julle kan in werklikheid weer soos tieners begin dink. Kom ek verduidelik.

Onthou 'n oomblik weer die opwinding van julle uitgaandae – die skaam houdings, die flirtasies, die fantasieë, die najaag van die prys. Wanneer ons van uitgaandae oorgaan na die huwelik, voel die meeste van ons dat ons moet grootword en die speletjies moet agterlaat; maar ons is dalk nie heeltemal so volwasse soos ons gedink het nie.

In sekere sin sal ons romantiese verhoudings altyd sommige van die eienskappe van tienerseksualiteit dra. Volwassenes is steeds gek na die opwinding van die jag, die verleidelikheid van die onbereikbare, die opwinding van die nuwe en die verveling van die oue. Onvolwasse impulse word natuurlik in 'n toegewyde verhouding beheer en geminimaliseer, maar hulle verdwyn natuurlik nooit heeltemal nie.

Dit kan julle help om weer lewe in julle verhouding te blaas. Wanneer dinge tussen jou en jou maat smaakloos geword het, moet julle dalk weer 'n paar van julle ou truiks onthou. Wat van ontbyt in die bed? Of om saam ou liefdesbriewe te lees? Wat van 'n nag in 'n hotel naby julle? Om malvalekkers oor 'n oop vuur te braai? 'n Telefoonoproep in die middel van die nag? 'n Langsteelroos en 'n liefdesbriefie? Daar is 'n dosyn maniere om die seile weer eens met wind te vul.

As dit alles vir jou te veel klink soos om weer soos 'n tiener op te tree, onthou die volgende: *In die beste huwelike is die jag nooit verby nie.* - **Dr. James Dobson**

DIENS VAN BARMHARTIGHEID

Koskas

Koskas



'n Woord van dank aan alle gemeentelede vir u volgehoue ondersteuning met kruideniersware vir die koskas.

Dit is 'n riem onder die hart om te weet dat daar altyd gewillige harte en hande is wat gee aan minderbevoorregtes. Dit sou onmoontlik wees om met hierdie diens voort te gaan sonder u hulp.

Indien u weet van families wat swaarkry (en daar nie kos op die tafel is nie), laat asb. die kerkkantoor/predikante/ouderinge/diakens weet, sodat daar hulp verleen kan word.

Ons sê baie dankjê. Seënwense



Ongeveer 'n jaar gelede het ons as gesin na 'n ware geestelike tuiste gesoek, een waar Jesus koning is, liefde verniet uitgedeel word, sonder voorbehoud, en waar omgee meer as net woorde is.

Na die skielike en onverwagte dood van Chris, ons oudste dogter se verloofde, het ons saam met haar Rietfontein-Suid gemeente besoek – angesien dit die kerk was waaruit hulle twee maande later sou trou, en ons gehoop het dat sy daar troos sou vind. Ons wou almal so graag help en die seer net beter maak.

Met die instap was die gees van vriendelikhed waarneembaar, ons het tuis gevoel, en alhoewel die diens vir Mari in 'n waas van tranes geëindig het, was daar 'n dringende behoefte en begeerte om die kerk beter te leer ken – daar was iets anders as normaalweg teenwoordig. Na die diens het tannie Nella vir Mari met veel liefde besoek, en ook al ons navrae met betrekking tot moontlike aansluiting by die gemeente beantwoord.

My eggenoot was weens onvermydelike omstandighede werksaam in Middelburg, en dit gevoel asof alles wat ek op daardie stadium alleen moes hanteer, net te veel geword het. Teen die volgende Vrydagoggend het ek breekpunt bereik.

Een van die Leraars se nommer het reeds vir 'n week in my laai gelê – ek was te bang om te bel – dat ek sou pla – maar dank Vader, ek het die oproep gemaak. Na 'n paar minute waarin ek my hart teenoor hom uitgestort het, het hy vir my die mooiste gebed gedoen – oor die telefoon – sonder dat hy eers geweet het wie ek is – behalwe dat ek 'n baie bekommerde en hartseer ma was. Dit sal my my lewe lank bybly!

Vir my was dit geloof in aksie en omgee sonder voorbehoud.

Maar die omgee en liefde het nie daar geëindig nie – hy het na ons kind uitgereik, haar meer as gereeld besoek, onder soms baie moeilike omstandighede. Nadat daar beterskap was het hy nie geskroom om in sy vakansie tyd haar vreugde te deel nie. Ons sal hom ewig dankbaar bly vir sy volgehoue betrokkenheid en die liefde waarmee hy dit gedoen het!

Die Leraars, asook tannie Nella met haar immer liefdevolle hart was altyd blymoedig getroos het. Erika en Chris Botha wat altyd vir ons tyd gemaak het en ons met vriendelikheid nader getrek en deel van die gemeente laat voel het, asook al die ander lidmate met hul volgehoue gebedsondersteuning waarvan ons nie altyd eers geweet het nie – het ons tuis laat voel – want dit wat ons as gesin waarlik nodig gehad het, het ons gevind – 'n gemeente wat waarlik omgee.

Ons lewe in 'n stukkende wêreld vol seerkry en pyn – dit sal altyd met ons wees, maar die omgee liefde van opregte gelowiges en Jesus se kinders kan lewens red. *Dit het!*

Moet asb. nooit die waarde van opregte omgee onderskat nie – u sal nooit weet wat daardie glimlag, drukkie, groet of woordjie van welkom vir 'n vreemde persoon beteken nie. Ons was ook vreemd en sou vreemd gebly het as dit nie vir mense soos julle was wat omgee en dit gewys het nie!

Met waardering - die De Beer-gesin, Capital Park

KINDER- EN JEUGBEDIENING



DIE LENTE IS HIER!!!

UITEINDELIK is die lente hier. Die dae is lekker warmer en oral begin die bloeisel en die blare van die plante uitloop. En om alles te kroon is dit vakansie tyd ook. Ek sien sommer hoe blink party van julle se oë, en dit het niks met die skerper sonlig te doen nie. Nee, lentetyd is ook die tyd waarin ou liefdes en nuwe liefdes, weer opvlam.

Maar die lente is ook 'n aanduiding vir ons dat God elke keer getrou, alles weer nuut maak. Hy is die een wat Lewe gee aan alles en elkeen van ons. Hy is die Skeppergod wat die hele Skepping getrou onderhou en daarvoor sorg. Daarom moet ons Hom loof en prys vir al die wonderlike dinge wat Hy vir ons gee en vir al die liefde wat Hy aan ons skenk. Kom ons dank Hom in hierdie tyd vir die wonderlike Natuurskoon, met al die asemrowende dinge wat Hy vir ons gegee het.

Die Kermis is verby en dit was 'n sukses! Dankie aan elkeen wat ook gehelp het by die stalletjie van die **Jeug- en Kinderbediening**. Sonder julle hulp sou ons nie soveel wins kon gemaak het nie.

ALMAL wat in die Senior Kategese is, moet onthou dat daar die naweek van 17-19 Oktober 2003, 'n **VERPLIGTE** kamp vir julle by die kerk gehou word. So ver moontlik sal ons die onkoste vanuit die Jeug- en Kinderbediening uit dra. As jy gedeeltes van die kamp gaan misloop as gevolg van ander verpligtinge, moet jou ouers asseblief ons skriftelik daarvan in kennis stel.

DESEMBER lê ook net om die draai. En dit beteken **SEEKAMP TYD!!**

Die Seekamp vind hierdie jaar vanaf 28 November tot 6 Desember plaas. Die koste beloop 'n skamele R570. **Waar anders kan jy vir minder as 'n R100 'n dag gaan vakansie hou by die see en dit met jou kos en vervoer ingesluit??**

Die wat die kamp wil mee maak moet so gou moontlik inskrywingsvorme invul en dit so spoedig moontlik, saam met 'n R100 deposito inhandig. ONTHOU, daar is 'n beperkte hoeveelheid plekke beskikbaar.

Daar is 'n beperkte hoeveelheid fondse beskikbaar wat gebruik kan word om van julle met 'n gedeelte te sponsers. As gevolg van die beperkte omvang van die fondse, sal daar voorkeur gegee word aan diegene wat getrou betrokke is by die Jeug aksies.

Ons sien uit daarna op julle elkeen by die kampe te sien!



Fondsinsameling ten bate van Brood vir Nood - GRAFSTEENSANGERS – "Die Honeymoon is verby"

Datum: 10 Oktober 2003

Tyd: 19:00

Koste: R35 per persoon

Waar: kerksaal

Navrae: Sonja Jacobs 331 2318

- kerrie en rys / pannekoek / koeldrank sal vanaf 18:00 asook tydens pouses te koop wees -



Die N-Tvl Sinode (waarvan Rietfontein-Suid deel is) het in September 2001 verklaar:

Getrou aan ons belydenis:

BELY ONS dat ook die NG Kerk skepping van God Drie-enig is en as gawe aan Suider-Afrika geskenk is.

DROOM ONS om in afhanklikheid van God en in die kreatiewe krag van die Heilige Gees gemeentes te bou wat elkeen in eie konteks die Koninkryk van God soek, deur

'n baken van hoop;

'n simbool van versoening; en

'n voorbeeld van Christelike lewenstyl en waardes te wees.

ONDERNEEM ONS om

ons hoop op niks en niemand anders nie as God drie-enig te fokus;

met geloof ons krisistye as groeitye te vertolk;

met entoesiasme en kreatiwiteit te bly reformeer;

met erns en doelgerigheid die gegewe eenheid in die liggaam van die Here Jesus Christus na te jaag;

ons vir Bybelse waardes te beywer en onvermoeid deel te neem aan die worsteling vir Bybelse geregtigheid vir alle mense;

vanuit ons noue verbintenis aan mekaar ons gesonde diversiteit te vier;

mekaar steeds te herinner dat die gemeentes, ringe en die sinode nie ter wille van hulself bestaan nie maar om te dien;

die staat te ondersteun in pogings om Suider-Afrika 'n samelewing van hoë morele waardes te maak;

ons in alles te laat leer en lei deur die Heilige Gees;

ons kerkwees só te bestuur dat ons visionêre en missionêre wese op 'n relevante wyse uitdrukking kan vind.

BID ONS: Kom, Skepper-Gees! *Veni Creator Spiritus*

Ons bevestig dit weer in 2003!

Ons het by hierdie sinode egter ook onder andere opnuut onder die indruk gekom van die groot vrae van ons tyd:

HIV/Vigs

Armoede

Gesinsverbrokkeling

Morele verval

Misdaad en geweld

Droogte en landbouomstandighede

Geslagsdiskriminasie

Jesus-debat

As Sinode wil ons in hierdie twee jaar indringend hieraan aandag gee.

Om dit te doen wil ons as Sinode
met groot dankbaarheid teenoor die Here

Godgefokus

Skrif- en belydenisgedrewe

Diens- en verhoudingsgedrewe

Met 'n erkenning van diversiteit

Onder leiding van bemaagtigde leiers

gemeentes ondersteun om in 2003 tot 2005 hoop te bring en 'n verskil te maak deur:

mekaar te versorg

mense wat seergekry het te help en

na mense wat buite die kerk is uit te reik

Dit alles in die naam van die lewende Here Jesus Christus!